

rum^a Patrum, firmitas eorum quæ gerebantur per unamquamque provinciam his tributa fuerit; huncque Canonem^b ediderit Antiochena Synodus sub Julio. *Episcopos qui sunt in unaquaque provincia scire oportet Episcopum, qui præest Metropoli, etiam curam suscipere totius provinciae, eo quod in Metropolim undequaque concurrunt omnes qui habent negotia. Unde visum est eum quoque honore precedere: reliquos autem Episcopos nihil magni momenti aggredi sine ipso, ut vult, qui ab initio obtinuit Patrum Canon: vel sola, quæ ad uniuscujusque parochiam conferunt, & regiones quæ ei subsunt.* Nulla^c censebatur perfecta Synodus, nisi ea cui aderat Metropolitanus: & si quis præter ejus sententiam factus fuerat Episcopus, hunc sacra Synodus Nicæna definivit Episcopum esse non oportere. Unde Innocentius^e primus varia præscribens Victricio Rothomagensi Episcopo, quæ in ejus provincia observanda erant, ante omnia præcipit: Ut extra conscientiam Metropolitanæ Episcopi, nullus audeat ordinare Episcopum. *Integrum enim est, inquit, judicium quod plurimorum sententiis confirmatur.* Idem scribit Hilarus^f Papa Ascanio Tarraconensi Metropolitanæ, his verbis: *Hoc autem primum juxta eorundem Patrum regulas volumus custodiri, ut nullus præter notitiam atque consensum fratris Ascanii Metropolitanæ aliquatenus consecratur Antistes, quia hoc & vetus ordo tenuit, hoc trecentorum decem & octo sanctorum Patrum definivit autoritas.* Quamvis autem solum eorum suffragium in eligendis Episcopis non sufficeret, quippe qui communi Suffraganeorum provinciae consensu crearentur, ut inferius dicitur: attamen, si in^g aliam forte personam partium se vota diviserant, Metropolitanæ judicio is alteri præferatur, qui majoribus & studiis juvabatur & meritis. *Præterea, inquit Innocentius^h ad supradictum Victricius, si quæ causa vel contentiones inter Clericos tam superioris ordinis, quàm inferioris exorta fuerant, secundum Nicenam Synodum congregatis ejusdem provinciae Episcopis, à Metropolitanæ terminabantur.* Prohibet etiam Hilarus Papa in Epistolis, ne ulli Clerici præter Metropolitanæ consensum in aliam provinciam proficisci audeant. Præcipitqueⁱ Concilium Epaonense, ut in celebrandis divinis officiis ordinem quem Metropolitanæ tenent, provinciales observent. Addam denique hunc morem in Ecclesia invaluisse, ut summus Pontifex & Patriarchæ Metropolitanis scriberent, quæ in eorum provincia observanda judicabant, ut eadem ipsi suffraganeis Episcopis postea denunciarent. Unde hæc scribit Innocentius^k primus ad Aurelium: *Frater carissime, hæc velim cuncta recitanda per omnes Africanas Ecclesias scripta dirigas.* Hæcque Leo magnus^l ad Nicetam Metropolitanum Aquileiensem: *Hanc autem Epistolam nostram, quam ad consultationem tuæ fraternitatis emisimus, ad omnes fratres & comprovinciales tuos Episcopos facies pervenire, ut in omnium observantia data præsit autoritas.* Et quis ex

^l Leo mag. ep. 79. ad Nicetam Episc. Aquileien.

^a Ex Can. 4. Conc. 1. Nicæn. Tò δὲ ὑποτάσσον γινόμενον διδοῦναι καὶ ἐκαστὴν ἐπαρχίαν τῆς μητροπόλεως.

^b Conc. Ant. can. 9. Τοὺς καὶ ἐκαστὴν ἐπαρχίαν ἐπισκόπους εἰδέναι χρὴ τὸν ἐν τῇ μητροπόλει προεστῶτα ἐπίσκοπον, καὶ τὴν φροντίδα ἀναδέχεσθαι πάσης τῆς ἐπαρχίας διὰ τὸ ἐν τῇ μητροπόλει πάντας τοὺς τὰ πράγματα ἔχοντας. ὅθεν εἶδε καὶ τῇ τιμῇ προηγέσθαι αὐτὸν μηδὲν τε πράττειν περὶ τὸν τῶς λοιπῶν ἐπισκόπων ἀνευ αὐτοῦ, κατὰ τὸν ἀρχαῖον καὶ τήσαντα τῶν πατέρων ἡμῶν κανόνα. ταῦτα μόνον δὲ τῇ ἐκείνου ἐπιστάλλει παροικίας, καὶ ταῖς ὑπ' αὐτὴν χώρας.

^c Can. 16. ejusdem Conc. Τὸ λείαν δὲ ἐκείνην ἐκκλησίαν, ἢ συνάκρην καὶ τῆς μητροπόλεως.

^d Can. 6. Nicæni Conc. Κάθε δὲ πρόεδρος ἐκείνη, ὅτι εἴ τις χωρὶς γνώμης τῆς μητροπόλεως γένητο ἐπίσκοπος τὸν τοῖς τοῖς ἡμετέρας συνέδος ἀρῶν μὴ δεῖν εἶναι ἐπίσκοπον.

^e Innoc. P. epist. 2. ad Victricius Rothom. episc. c. 1.

^f Hilarus P. epist. ad Ascan. Tarrac. c. 2.

^g Leo mag. epist. 84. ad Anastas. Thes. sal. c. 5.

^h Innoc. P. 1. epist. ad Victricius Rotho. c. 3.

ⁱ Hilarus P. epist. 4.

^k Conc. Epaon. can. 27.

^l Innoc. P. 1. epist. 12. ad Aurel. Carth.